



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Feria Quinta Die Decima Octava Martii Anno 1666.

**urn:nbn:de:hbz:466:1-40986**

FERIA QUINTA DIE DE-  
CIMA OCTAVA MARTII

Anno 1666.

*In Congregatione generali Sanctæ Romanae, & Universalis inquisitionis habita in Palatio Apostolico Montis Quirinalis coram Sanctiss. D. N. Alexandro Divina Providentia Papa VII. ac Eminentissimis & Reverendissimis DD. S. R. E. Cardinalibus in tota Republica Christiana adversus hereticam pravitatem Generalibus Inquisitoribus à Sancta Sede Apostolica specialiter Deputatis.*

**S**ANCTISSIMUS D. N. post latum Decretum XXIV. Septembris proxime elapsi, quo Viginti octo Propositiones damnatae fuerunt; examinatis sedulò, & accuratè usque ad hanc diem infrascriptis aliis quadragesimum quintum numerum impletibus, per plures in Sacra Theologia Magistros, ac per Eminentissimos, & Reverendissimos DD. Cardinales adversus hereticam pravitatem Generales Inquisidores, eorum suffragio singillatim super unaquaque ipsarum audivit.

*Propositio 29. In die Jejunii, qui sæpius modicum quid comederit, non frangit jejunium.*

*30. Omnes officiales; qui in Republica corporaliter laborant, sunt excusati ab obliga-*

ligatione jejunii, nec debent se certificare,  
an labor sit compatibilis cum jejunio.

31. Excusantur absolute à præcepto jejunii omnes illi, qui iter agunt equitando, uteunque iter agant, etiamsi iter necessarium non sit, & etiamsi iter unius diei confiant.

32. Non est evidens, quod consuetudo non comedendi ova, & Læsticinia in quadragesima obliget.

33. Restitutio fructuum ob omissionem horarum suppleri potest per quæcumque Eleemosynas, quas antea Beneficiarius de fructibus sui beneficij fecerit.

34. In die Palmarum recitans officium Paschale, satisfacit præcepto.

35. Unico officio potest quis satisfacere dupli præcepto pro die præfenti, & crastino.

36. Regulares possunt in foro conscientiæ uti privilegiis suis, quæ sunt expressè revocata per Concilium Tridentinum.

37. Indulgentiæ concessæ regularibus, & revocatæ à Paulo V hodie sunt revalidatæ.

38. Mandatum Tridentini factum Sacerdoti sacrificanti ex necessitate cum peccato mortali confitendi quamprimum, est consilium, non præceptum.

39. Illa particula *quamprimum*, intelligitur, cùm Sacerdos suo tempore confitebitur.

40. Est probabilis opinio, quæ dicit, esse tantum veniale osculum habitum ob delectationem carnalem & sensibilem, quæ ex osculo oritur, secluso periculo confusus ulterioris, & pollutionis.

41. Non est obligandus concubinarius ad ejiciendam concubinam, si hæc nimis utilis esset ad oblectamentum concubinarii, vulgo *regalo*, dum deficiente illa, nimis ægrè ageret vitam, & aliæ epulæ tædio magno concubinarium afficerent; & alia famula nimis difficile inveniretur.

42. Licitum est mutuanti aliquid ultra sortem exigere, si se obliget ad non repetendam sortem usque ad certum tempus.

43. Annum legatum pro anima reliatum, non durat plus quam per decem annos.

44. Quoad forum conscientiæ Reo correcto, ejusque contumacia cessante, cessant censuræ.

45. Libri prohibiti donec expurgentur, possunt retineri, usque dum adhibita diligentia corrigantur.

Quibus maturè pensatis, idem Sanctissimus statuit ac decrevit, prædictas Propositiones, & unamquamque ipsarum, ut minimum, tanquam scandalosas esse damnandas, & prohibendas, sicut eas damnat, ac prohibet: Ita ut quicunque illas, aut conjunctim, aut divisim docuerit, defenderit, ediderit; aut de eis etiam disputative,

pu-

publicè, aut privatim tractaverit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio, quacunque etiam dignitate fulgente, nisi à tempore existente Romano Pontifice, absolvi.

Insuper districtè in virtute sanctæ obedientiæ, & sub interminatione Divini Judicii prohiber omnibus Christi fidelibus, cujuscunque conditionis, dignitatis ac statutus etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

*Joannes Lupus Sanctæ Romanae, &  
Universalis Inquisitionis Notar.*

Locus (†) Sigilli.

---

*Anno à Nativitate D. N. JESU CHRISTI millesimo sexcentesimo sexagesimo sexto. Indictione quarta, die vero 23. mensis Martii. Pontificatus autem Sanctiss. in Christo Patris D. N. D. Alexandri, Divina Providentia Papa VII. anno undecimo, supradictum Decretum affixum, & publicatum fuit ad valvas Basilicae Principis Apostolorum, Cancellariae Apostolicae, ac in acie Campi Flora, ac in aliis locis solitis & consuetis Urbis per me Carolum Melanum, ejusdem Sanctiss D.N. Papæ & Sanctissime Inquisitionis Cursorem.*

Pro